

皇清文穎續編

皇清文穎續編卷首四十五

御製詩

樂府

擬白鳩拂舞詞

吹夷則兮鏗林鍾揚萬舞兮翔飛龍臨風一曲白鳩  
羽開元舊調翻新譜催耕最喜時和煦舊巢結構占  
晴雨秉靈含純在桑在榛九扈喑喑呼陽春七子拂  
羽聲頻頻咄彼鵬鶚兮相爲奮搏厲觜距兮甘鞴縛

扶搖蕩蕩兮天宇濶  
飈雲霄兮逐鳴鶴  
長松喬枝兮擇可棲  
鳳皇來游兮龍門桐  
葉何萋萋

百鍊鏡

百鍊鏡蟲篆蛟龍蟠  
土花剝蝕翔鸞鸞盛  
以寶匣凝陰殿呼翕  
雲雨光團圞朱斑綠  
暈相輝映皎如皓月  
纖霞淨噫嘻寶鏡千  
秋圓傳自開元天寶  
年瓊脂宮粉美人舞  
曉日臨妝青鳥憐飛  
龍屈蠖結碧紐黝然  
古澤光清堅聖王鑒  
人不鑒貌不寶異物  
思親賢明

堂濟濟登俊彥心鏡百鍊無柔牽高懸金鑑辨邪正  
光華旦旦勤磨研

皇輿圖樂府

皇都篇

紀都城也地爲古燕國元之中都明之北京名  
山大川環衛朝拱我朝定鼎於此布維新之命  
層城宮闕之外省院府寺八旗兩翼列置焉洵  
帝居辰極一統無外之規也

地平天成建皇極宅中馭外樹邦國燕京形勝壯金  
湯帶河礪山星拱北於昭

世祖一戎衣定亂繼明仁義得不基開創式九圍經  
野設都廓疆域三條九陌列重城八旗辨方分兩翼  
王氣氤氲結層霄凌霞赫弈臬應植

列聖培養渥澤深不識不知順

帝則負展居尊凜淵氷宵旰敬勤勉守德

畿甸歌

紀順天府也王畿爲首善都會地當甸服廣衍  
繁饒分以四路置州縣二十六設府尹領之兼  
制於直隸總督云

分野尾箕古冀州太行右峙海東流承家開國撫黎  
庶物產蕃饒徧美疇

俗美風淳首善鄉蕩平王道啟康莊寅承大寶彌乾  
惕敷錫

先皇惠澤洋

黃圖雅

詠直隸省也三輔幅員廣大古爲冀幽營三州  
之域周爲燕趙魏中山諸國漢爲上谷北平廣  
陽漁陽涿郡魏郡渤海河間范陽信都鉅鹿常  
山諸郡國自後建置分隸代有不同我朝都燕  
京列爲三輔郡邑州衛營屯之治統以直隸總  
督領以布政使其制置各直省咸視之而損益  
焉

天下上游溯隆古大陸黃圖護三輔平行方廣闊良  
田郊圻修迴民安堵津門雄鎮渤海東七省財貨通  
舟槽南下趙魏達豫齊河洛迴環繞三府萬峯西峙  
接晉秦神京右臂蟠龍虎居庸北連諸外藩昔稱重  
鎮今庭戶四通八達誠奧區答陽表極臨寰宇幸逢  
寧謐不敢康永固金甌荷

天祐

陪京篇



紀盛京也

太祖高皇帝以十三甲

告

天復讐拓宇開疆定都遼瀋

創制顯庸垂萬禩之統豐水鎬京之舊

遺澤孔長所宜摠懷舊思古之情也

明政不綱大厦傾十三甲奮諸部驚

告

天七恨整虎旅底定遼瀋置盛京宮額清寧殿崇政  
萬年

帝業基皇清陪都臨莅懷舊蹟作求

世德惕守成

龍池樂

紀興京也我朝自長白發源遷赫圖阿拉是爲  
興京

四祖山陵在焉遼水西注

龍德先天發祥兆瑞視古龍池之奏何以加茲

溟渤大海兮天東應運奮興兮

真龍蘇困窮兮安撫建興京兮崇墉赫圖阿拉萬靈  
鍾

永陵巍峩百神從瑞榆庇蔭繁茂王氣深厚醇濃

### 三江源

紀吉林黑龍江也我朝發祥之地實自關門闔  
門者長白山之天池也鴨綠混同愛濤三江出

焉

天生

聖人撫三姓吉林黑龍江地保世滋大由斯啟焉因  
溯其源而詠歎之

蕩蕩天門雲擁初昇日巍巍長白凌空形勢萃最高  
峯頂有潭曰闔門鴨綠混同愛淖三江出上通銀漢  
一派波清澄下潤蒼生萬方澤洋溢

聖蹟聿昭仰止欽予衷源遠流長瑞應紀其實

金陵曲

詠江寧也地爲六朝舊都明初建國於此後稱  
南京所謂龍蟠虎踞東南一大都會也昔人篇  
什至夥今特舉其畧而誌興朝之所以待勝國  
者

千里長江作天塹人文財賦甲東南

六巡沛澤蒸黎洽永沐

先皇德化覃

閩位福王政令昏將軍一箭啟城門至今樵牧鍾山  
禁厚待前朝古罕論

江南春

詠江蘇也古揚州之域周爲太伯仲雍封國其  
地山川秀美人物繁庶名勝不可枚舉茲溯述  
昔年隨侍

皇考南巡所延覽者綴於篇以毋忘

大訓

江南春風光好古吳都會揚州道甲辰三月駐行舟  
菜花初熟蠶未老初游虎阜繼獅林鄧尉靈巖勝概  
尋天平萬笏畫幅景館娃八詠詩囊音緬憶

高皇垂記語南巡事大勿輕舉春來春去廿六年任  
彼鶯花絢洲嶼

皖江詠

詠安徽也地居江介爲吳會與區古稱皖國昔  
南都者皆倚宣城以爲重固亦咽喉襟帶之地

也今則人文蔚起書林墨府與東箭南金同徵  
靈秀焉

吳地自昔稱大邦設官分治上下江博考麟經古皖  
國岷山溯源遠浪瀧四十七瀨波濊潛三十六峯巔  
豈炭藏書產墨孕秀奇文光璀璨聚嶽歛五霞洞九  
華山名區可望不可攀心繫八埏志四海勝概包羅  
方寸間

豫章詞



詠江西也地當江湖巨浸表延吳楚閩粵之境  
山崇林茂物產沃饒晉宋以來倚爲重鎮明建  
置寧藩職爲屬階則泥古之失也

星分翼軫輝瑤光九江東匯沿豫章襟帶五湖控吳  
越洪都舊府今南昌殷鑒明季尚封建宸濠弄兵民  
罹困泥古紛更百弊生率由  
家法欽成憲

浙水詞

詠浙江也浙中山水明秀饒有勝致吳越開國  
臨安作都其蹟僅有存者

聖祖

高宗六度經臨因恭奉

龍牌於佛宇以遂彼土人士欽仰之意

倚山負海建杭州形勝雄奇往蹟留篁嶺茗溪供眺

覽偏安南渡實包羞

西湖佳景冠塵寰甲歲曾隨豹尾班

錫福省方士民洽

龍脾巍煥古禪關

七閩安

詠福建也地爲山海巖疆古稱百越人民繁庶  
今更益以臺灣一郡戶版日增瀕海者習於風  
濤往往有鯨鯢跋浪之患剪除而煦嫗之七閩  
其永安乎

海迷漫山岌業地險田稀幅員狹七閩毓秀百越疆

盛世人民氣和洽臺灣浩渺如蓬壺

仁聖一麾入版圖長鯨巨鱷剷除盡昔有林

爽莊大文莊田

今蔡率朱慎化成久道繼

考志山陬海澨昇平致維予小子敬不遑安益求安

治求治

### 海岱行

詠山東也其地兼齊魯爲青兗二州之域岱宗

渤海峙流萬古侈登封者競陳符瑞之說聖世

所弗尚至夫膚寸作霖靈應昭顯則有崇祀之  
典在

渤海漫漫衆水聚秦岱巖巖萬山祖奄有龜蒙開大  
東雄區自昔稱齊魯

鑾輅曾經兩度從奉

命升香禋六宗登臨日觀舒遠望羲輪鏤日雲盪胸  
崇隆喬嶽瞻出震觸石爲霖遍含潤封禪紀功陋漢  
秦從欲以治萬方順

上太行

詠山西也溯平陽蒲坂安邑爲唐虞夏舊都山  
川雄厚民敦儉朴尙有唐魏之風焉

上太行峻極通帝鄉天險不可陟虎豹守九閭下太  
行岐路盤羊腸地險多邱壑行步知所防雲中控塞  
北往代稱要荒皇清提封廓無外神京戶闔西晉疆  
唐堯遺風尚淳朴觀民間俗將省方祝國臺懷錫衆  
福除穢崇儉循

憲章

中州引

詠河南也其地居士中商五遷居周營洛邑漢  
建東都咸不出其境良以壤土宜稼平行四達  
生業饒裕者多惟大河頻其南則宜防之術當  
首此

天宇魏蕩嵩岳崇形勝四達中夏中商邑周京蹟雖  
泯猶有先代之遺風西則成皇南鄧汝東控淮揚北

畿輔平疇墾辟遍膏腴民勤本計鮮貧窶大河如帶  
出隴秦險越三門滙孟津澄清上瑞曷敢望虔籲安  
瀾注海濱

秦關曲

詠陝西也地當古雍州之域險阻阨塞所謂秦  
關百二重也語形勝者謂爲中原必爭之地殊  
不知御宇膺圖撫綏億兆則在德不在險彼依  
叢薄而肆鴟鳴者亦自外生成而已



殺畱扼要紀西秦漢晉隋唐野馬塵割據紛紜爭尺  
寸熙朝一統沐

洪鈞

南山幽僻聚無賴潢池盜弄爲民害勉承

遺訓幸消除耕田鑿井國恩沛

甘涼曲

詠甘肅也其地居關隴之右酒泉燉煌甘州涼  
州諸郡其名至漢始著今也不特舊隸版圖者

數倍於古而玉門祈連以西新闢疆土二萬餘  
里冠蓋往來車騎絡繹視昔之人以伊涼爲征  
戍之怨迴不侔矣

隴右地控天山西甘涼險阻環巖溪番回向化息爭  
奪昇平不復聞鼓聲新疆旣闢消戰壘玉門關外二  
萬里往古極邊今戶庭

神武宣昭中外敷

南粵吟

詠廣東也秦漢雖置郡縣服屬而已唐宋尚視  
爲蠻荒今水陸之產充牣填溢番舶橫海而來  
地大物博芟其稂莠剗其苞枿俾遂厥生撫馭  
所宜亟也

百越蒼梧古炎荒秦屬南海漢桂陽蠻烟瘴雨蛟龍  
窟重譯賈舶來外洋昔號偏隅今中土兆民生聚盈  
寧覩抱蜀繼序實艱哉身居九重心九宇

桂林歌

詠廣西也古爲桂林象郡與越裳交趾接壤今  
限以鎮南之關馭以恩威之大且郡邑以來蠻  
人種落與中土齊民無異豈前代遷謫之區可  
比耶

地同南粵境則壤分東西東接海洋人狡詐西多獠  
獠山穴棲習俗淳朴屏奢侈襟帶三江連交趾黎阮  
攻伐咸來朝提封之外任遷徙萬桂成林環秀堂飛  
雲漾月飄天香當年放逐哀窮域昭代咸爲安樂

鄉

江漢歌

詠湖北也地爲楚之北境江永漢廣詠於南國  
人文蔚然惟省會當水陸之衝郡邑多幽阻之  
域人情不齊固江山之氣使然乎撫之者其勤  
化導而輯寧之

江漢東下波湯湯荆口重鎮通襄陽萬山峭拔接巴  
蜀林幽箐密鄖竹房汙俗信邪說白蓮心固結根除

兵戢耕鑿安光天化日永懽悅

洞庭秋

詠湖南也荆及衡陽著於禹貢其地三湘七澤  
而外五溪蠻衆廩君繁瓠之屬錯處其間當有  
事時則示以兵威及其革心弭耳教之樹藝澤  
以詩書南紀名區同安樂土云

巍峩南嶽插霄青七澤三湘匯洞庭山水雄奇稽志  
乘恍如張樂降羣靈

五溪蠻洞踞三苗相濟猛寬邪念消從此南人不復  
反

十全大武澤敷造

岳陽攬勝有高樓浩浩湯湯雲水浮吳魏構兵總陳  
跡青天古月洞庭秋

錦城曲

詠四川也自漢析梁州地爲益州其先曰蠶叢  
魚鳧司馬相如持節乘傳諭漢威德始通蜀道

我朝平定後豐阜樂康甲於西土其自作不靖  
者亦以時剗滌承

訓決機豈直如聚米籌邊已耶

川中天險往古興戎兵蜀道之難劒閣標崢嶸一夫  
當關萬夫盡束手捫星厯井足底雲霞生峨眉山勢  
青霄標巔巖嘉陵江色碧玉涵晶瑩地靈人傑蒼萃  
多賢哲沃野千里良疇環錦城我朝肅王一箭貫猷  
賊百有餘年雞犬咸不驚萑苻揭竿變起亭子鋪豕



突狼奔星霜六七更堅壁清野勁旅皆用命不遺一  
孽定亂消機槍仰副

皇考望捷詩深意西南安定保泰彌持盈

### 昆明池

詠雲南也地居梁州西南徼漢武帝仿昆明池  
以習水師卽滇池也今赤土朱波咸通琛賁居  
民安堵樂業歌詠太平詎云疆以戎索乎

楚蹕開疆秦政通道唐代徂征宋絕南詔逮元及明

始服聲教漢夷錯居周回崇嶠

昆明萬里滇池考稽雲津星宿金馬碧雞緬甸歸順  
武功煥兮徭輕賦薄樂業黔黎

黔中道

詠貴州也其初亦西南夷爲滇之咽喉蜀之戶  
牖粵西荆南壤地相接苗民雜處叛服不常我  
朝靖之以武綏之以文而民獲寧處矣

萬山環繞一隅處黔中舊道今開府思南荒服羈縻

州羅施鬼國皆沃土接壤羣苗花黑紅殊方異俗盡  
嚮風思艱圖易凜

聖訓宵旰勤勉臻大同

度天山

詠西域也玉關之外諸部錯處我

皇考德威遐布拓地至二萬里歸降歸順以次輸誠  
因之撫以恩信鎮以重臣疆圉牧寧耕屯饒裕  
彼鑿空之師甌脫之置方茲褻矣

度天山昭

聖武豐功駿烈邁隆古絕徼荒邈中外睽交錯準部  
兼回部侵擾舊屬逞貪殘三駕親征仰

仁祖降而復叛事屢更向背靡常勞士伍撒納內投  
機可乘

命將出師選熊虎一戰渡河定伊犁夜斫賊營人廿  
五阿逆偕德復奔逃兵不血刃骨已腐準夷旣平回  
部安如獲更生應就撫大小和卓忽跳梁潰敗授首

肇自取五年之間集兩勲闢疆二萬咸樂土設官設  
吏設屯田置州置縣置邑府天山南北列連營大野  
膏腴非斥鹵從來聲教未能通

高皇德威拓寰宇

吳貺深厚翊

聖人

帝心信

天受多祐地可耕而民可臣遠勝虞廷千羽舞維予

小子凜繼承式廓

鴻勳六公普度天山昭

聖武泉貨交易聚商賈乾隆通寶永留傳大清萬禩  
光華觀

鷲峰高

詠西藏也唐爲吐蕃地後稱烏斯藏今其境分  
前衛後藏鎮以駐藏大臣仍掌以梵僧從其俗  
也夫彼教源流邈乎遠矣因其靈異而振興之

蓋撫綏之道則然固未嘗以異域視之也殿於  
二十六章之末者以此

如是我聞佛在大西天蜀地關外前後藏衛連層冰  
飛雪凝結忘冬夏鷲峯高峻俯視皆雲烟黃教振興  
化導諸藩部皈依三寶消除邪念牽昔宗喀巴有二  
大弟子一曰達賴其二曰班禪示寂之後復說來世  
法舊俗相沿永遠衣鉢傳牟利假借失本來面目以  
訛傳會孽海沉深淵

大慈悲父特現真實相金瓶枚卜感召結善緣丑歲  
丑月朔日復轉世五輩重來經咒能誦宣

在天恩輝顯著靈異諦不疑何卜坐床吉日燭神道  
設教敬繼

先皇志紹聞欽

訓惕若懷仔肩東西南朔版圖大無外幾暇遣興摘  
詠方輿編中正仁和四字治天下引長勿替奕葉勉  
慎旃



四言詩

擬張茂先勵志詩

遂古絪縕乾維坤軸兩儀既分三才位育氣運迭遷  
寒暑倚伏東作南訛西成北陸

人生鼎鼎歲月屢遷曾不少留逝者如川博學無方  
及茲壯年祖識往聖孫友後賢

受天之中惟人爲貴聖哲合天品物咸彙至矣六經  
凜乎三畏昌歎之甘同茲臭味

良玉琢磨用成國器英英桐子胡爲自棄大道曰遵  
庶無失墜莫謂難行操心勵志

鍾繇學書破冢投筆紀昌懸簷三年貫蝨微技動中  
精誠專一自檢乃心慎毋放逸

三代規模去今不遠致知力行樹滋根本嗟爾庶士  
蕩遊忘返秋月春風忽焉已晚

一簣爲基終成九仞惜彼分陰曾不逾瞬念茲在茲  
及時修進彼君子兮輯柔溫潤

行遠自邇登高自卑滄海廣大始於一蠡勿助勿忘  
慎爾越思克已力行惟德之基

樂善不疲容容雅雅制器必良自求陶冶雞鳴孜孜  
辨于取捨希聖希賢予何人也

五言古詩

詠頴考叔

常棣思禦侮斯干戒相猶寤生何弗類天性成機謀  
滋蔓亦已翦城頴長拘囚黃泉不可見悔過復殷憂

美哉賴封人忠孝心若抽納約舍餘肉善諫異且柔  
積誠感母子大隧傳歌謳茅焦旣悟秦長孺亦說劉  
鸚翼振梁公臺瓜歌鄴侯處人骨肉間千載同嘉猷  
純孝本獨摯全忠鮮共儔

恭和

御製種槐元韻

古槐閱百年風雨日以悴常依松棟前根老深入地  
天心憐枯焦栽植成稠穰數年漸比肩濃陰鋪毯翠

茂對暢

宸懷階下如昆季從茲相扶持預爲長久計

聖謨超千載樹人期無愧

晉文公問守原

晉文定周亂受原於天王霸功因以樹大任重土疆  
胡爲問勃鞞帷幄謀茲張趙衰有功者斯任自可當  
咨詢同衆臣舉善乃有光成算定內豎斯舉廢憲章  
刑餘不可恃機心內潛藏管仲桓以霸豎刁桓幾亡

後唐張承業東漢有呂彊得一於千百豈可託紀綱  
千秋樹明鑒內外有典常寺人首秦風趙高終披猖  
覆轍逮有明厥衛闕朝堂失問重失舉至論焉可忘

擬左太冲招隱詩

溪壑棲哲人瀟灑遯塵世念彼汗漫遊非爲田園計  
茅舍依山坳疎籬柴扃閉飛泉挂丹巖清聲洗俗滯  
白雲迷高峯幻作芙蓉髻春秋不計年嘯傲無拘繫  
視彼朱紫途猷猷高明勢人情戀榮華晞驥終牽制

誰從赤松遊天外心神契

節士樂高蹈達人貴知幾榮辱無所求出處各有時  
龍蛇生大澤松柏鬱繆枝美玉厥井里言念溫潤姿  
子房抱奇策嚴光終釣臺霖雨濟氓庶大業何恢恢  
山野觀我生空負濟世才高臥林烟暝閭闔風雲開  
丈夫志四方攜手登魁台

擬鮑明遠擬古三首

遊俠少年場策騎相角逐男兒當封侯萬里窮荒服

終成衛霍功  
掉舌羞酈陸  
天高擊劒歌  
月黑擁裘宿  
萬馬動陰山  
驚沙蔽遙目  
五斛謀詎良  
九折車戒覆  
機槍斂金戈  
玉沙歎黃竹

丈夫志四方  
虛懷抱貞素  
特達薦珪璋  
國士重三顧  
蒐羅無遺才  
進善闢賢路  
自愧山木姿  
風雨起感慕  
素位無營求  
受寵增恐懼  
際會信有時  
敢怨儒冠誤  
天驥方騰驤  
守株空待兔

文章少所喜  
研鍊咸貫通  
釋褐漫遨遊  
高步翔王宮



塵氛淨四遠拜手揚雄風紛難旣排解安用百鍊鋒  
浮雲視丹組高尚不受功嚴陵夜干象伏波老從戎  
君子甘淡泊善抱思藏弓野鶴摩穹霄造化同始終

古意

離離山下草鬱鬱嶺上松雨露苟及時各得造物工  
與君結金蘭盟以要始終貧賤旣相顧富貴當與同  
君才旣連鑠平步青雲中冠蓋日相望走馬黃金駟  
一朝改顏色舊友如飄蓬相逢若不識但願長絕蹤

人情有如此胡不明翟公

銅鑒正衣冠心鑒通龜焦金鑒照邦家人鑒分善惡  
守道無越思庶幾傲履錯爲善食不遑克念聖乃作  
烏跼隙影馳一息難掣縛蓬萊不可到誰採長生藥  
少壯無淹留酖顏易頽頽美女相愛憐顧影生嫵媚  
春日麗妝臺秋風舞鸞翠繁華一回首脈脈含幽思  
飛蓬不勝梳匪席耿不寐歡樂詎同天儵忽悲異地  
誰能謁混沌無換亦無萃物理長固然庭草有生意

詠晏嬰辨和同

岐山鷺鷥鳴尚父興漁釣酬功錫青社析圭東海嶠  
建國富且強後起德不邵賢臣救時出管晏後先耀  
景公詢和同嬰也竭忠告可否盡逢君面從背諂笑  
甘言媚其心嬖嬖投所好急弦聲乖張元氣日消耗  
哲士遇明君正直守德操是非不苟從旣濟歸受教  
一誠惟愛君盡忠實輔導鹽梅水火調宮商具衆妙  
和同辨兩途賢奸如鏡照大義誠不乖立言得體要

自有謨弼才勢孤莫除暴齊桓霸已衰景弱才難肖  
棄賢且比匪牛山自傷悼聽言莫能行膏肓難醫療  
遂令姜爲田一木悲棟撓惜哉爽鳩樂造臺空憑弔

民生在勤八首

四民首農政四序推韶春習勞足衣食克勤善處貧  
土脈動陽氣農祥又轉新地利起耕墾天時甘澤勻  
拮据煩手足胼胝忘艱辛鳴鳩日催種努力隴頭人  
日月如轉輪倏忽來長夏耘耕當赫炎灌溉冒星夜

嗟爾畦間農分晷無休暇汗滴路傍塵鋤禾難暫罷  
烝民各有司辛苦惟田舍不息仰純乾愠解從風化  
穡事方力作時序遷清秋涼颼颭暮景大火行西流  
嗷嗷實漸遂搢搢役少休竭蹶亦已慣黃雲遍綠疇  
芟穫婦子勸萬頃盡斂收糠粃莫輕棄辛勤升斗謀  
場圃旣已築納稼當隆冬考彼幽風詠惻惻憫三農  
日出催衆作雞鳴促曉春嚴寒不憚勞執役戒惰慵  
輕裘豈不煖坐擁千萬鍾逸淫勞則思古訓將何從

克勤事乃集勲業立奇男奮志中夜起汲古羣籍諳  
遠道戒弛懈食息忘樂耽願希陶刺史運甓力自擔  
孔席不暇煖墨突不得黔聖賢司一轍視斯宜策驂  
王化首閨門勤儉思季女雞鳴進衣冠蠶月承筐篚  
巾櫛奉詰朝補綻勞燕處昕夕侍舅姑夜行必燃炬  
不見採桑人篝火勤機杼女紅戒無荒分晷誰能與  
惜分古垂訓秉燭勉耄老勿謂精力衰蕭蕭白髮早  
質明肅杖朝安車漫懷寶習勞氣日盈童顏倍鮮好

視蔭語則偷終隨霜鬢槁三復抑戒詩哲人徵壽考  
百年未倦勤矧茲齒尚少服勞作聖功懷安歸不肖  
壯夫貴有爲努力當自劬篤學切就將初日方焜耀  
莫爲收豬嬉翻增亡羊誚拾級九成臺相期窺奧窔  
追和王右丞偶然作六首

天地德覆載循環轉春秋至道攬明鏡人世如蜉蝣  
貧居自樂天奚爲桃棘憂畎畝隱終身藝圃堪優游  
古昔賢奸輩同淪於東流吾生及良時素位何所求

古鑑暫掩光浮塵豈能浼貧士陋巷中簞瓢忍寒餓  
俗薄識者稀獨唱無人和喬木萬仞高風雨難折挫  
一朝奮六翮終爲廓廓佐奇功海宇垂清風竹簡播  
榮華本過眼待沽驚寶貨回首華山中陳叟尚高臥  
君子隨所遭天懷守太素龍虎會有期風雲自際遇  
大鵬翼垂天九萬扶搖路回視高隱流難破烟霞痼  
閒心寄水雲幽情挹花露良弓盡高鳥走狗悲狡兔  
知幾身自安寧俟歲云暮不見五陵兒花驄肆馳騫



一朝黃金散方信曩日誤萬事皆泡影隨緣發覺悟  
子陵披羊裘故人重光武中興定漢鼎蒼生蘇霖雨  
王氣鍾南陽鴻猷靖海宇舊學有甘盤磻溪有尚父  
先生勵高節爵祿視如土英主卦應乾不事爻象蟲  
釣臺遺蹟存清風仰千古

淵明性清高寄情於詩酒物理既已窮世俗吾何有  
挂冠賦歸來貧居隱五柳素心共晨夕松菊忘年友  
樂道自從容高隱避雞口爵祿羈此身肥遯終無咎

膏粱豈不榮紛華非吾耦物外得幽居躬耕遠塵垢  
典午旣淪亡獨存東籬叟

摩詰抱天才於畫見其詩泊然忘雕飾託興超凡里  
格高寄深意斂衽玉局師輞川題真境千古傳其詞  
境至詩具在一一如追隨渾灝冠盛唐何從得津涯

恭和

御製批摺元韻

天工

勅惟時農事民之要屢慶歲豐收休徵

大德劭南省雨暘調章奏頻入告有喜得秋成無虞  
更秋澇北省澤霈優接壤欣同調共欽

帝心符羣沐

天恩膏報賽歌相連遍看熙皞樂

宵旰日不遑午夜

批章報猶

勅恤民窮

體勤無不到崇樸惜三時仁風昭儉約更喜河工成  
哀黎盡出淖大吏仰

聖情公勤慎無傲

恭和

御製蒙古田元韻

蕃部無定居沙漠任來去播種賴天時春去秋來穫  
舊俗尚射獵水草擇地牧騎射卽訓兵貴知所先務  
今則習耕耘暘雨知憂慮農事旣加勤獵事難如故

星洲子集卷之三  
卷之三  
三  
劬勞雖亦同漸恐近逸豫忘本

聖深戒殷鑒堪警懼四部喀爾喀舊俗猶操作青海  
耽晏安

訓飭終莫除武備貴勤修漫恃金城固四十有九旗  
生齒日以庶尚賓歲來朝恭順承

旨趣

上蘭侍圍場沐

德抒悃素

懷柔仰

一人

申儆詩中寓弧矢

家法傳萬年欽

聖諭

恭和

御製遊龍井詩元韻

御試

瑞氣薄林麓祥光盤山邱泉雷忽疑雨竹春不知秋

朝嵐籠淡蕩閒雲無去留過溪到龍井勝境傳清湫  
高閣俯天半碧峯最上頭盪胸烟霧近平眺星漢浮  
山靈愜望

幸如獲

恩遇優景物偶悅性海大容細流結構自幽迴順時  
暫

豫遊行惠普

渥澤民免供賦憂

棲霞八景

彩虹明鏡

清泉出山麓，屈注匯一池。  
波光浸虹影，鏡照雲水湄。  
林立多奇石，淺浪涵靡麗。  
佳境欣偶遇，四時無不宜。  
巖風拂我襟，悠然起遐思。  
憶昨西湖畔，景若神工移。

幽居菴

佳人自何時，結居在幽谷。  
數楹亂石叢，逸興同版築。  
天風崖半來，清芬透竹木。  
階下有寒泉，泠泠奏琴筑。



流水無所爭浮雲任馳逐只有猿鶴知塵蹤空玲瓏

桃花澗

曲澗遠盤紆夾岸桃千樹落英泛微波麴塵籠絳霧  
仙源此問津去去芳洲路漁父豈無緣問雲不須住  
避秦亦寓言卽安隨所遇花落復花開年華等閒度

紫峯閣

危峯出雲外高閣凌空懸羣岫相環繞蒼茫灝氣連  
晴翠寫羅幃竹罽多寒烟尋徑石磴上振衣松風前

謾謾下天籟靜覺心泠然中有大士宅無界超塵緣

千佛巖

佛法無二門云何億千萬欲盡度衆生宏發大誓願  
肖形寓現身巖端輝燦爛普現白毫光迷津坦途辨  
示相本空虛端倪一心看寶筏果同登人天盡歡忭

疊浪崖

疊石出天然山靈巧結構飛泉注巖端汨汨芳潤漱  
地中殷雷車天上懸奔溜舒如匹練垂急似萬馬驟

疑自銀漢來遙源孰研究不聞人世聲但覺烟雲逗

萬松臺

鬱鬱萬株松蒼翠連一色寒濤捲天風如在清涼國  
重光自照臨古苔難皺蝕盤拏靈秀鍾栽培造化力  
真境鮮作爲太璞不雕飾坐久心神清悠然遠塵域  
最高峯

石棧盤紫霄直上衆峯頂萬籟鳴長風蕩蕩雲衢迴  
大江似帶橫微茫泛小艇南望巖壑深攢簇爭秀挺

邱垤盡同觀平眺難相並青山本無心天與分差等

恭和

御製少寐詩元韻

古稀法唐虞健德同

天永孜孜求治心五夜披衣醒

萬幾總綱維

召對前席省

深仁眷耆臣車馬待漏騁明良會一堂遠邁衛武警

乾元密緝熙萬邦環翰屏

特念杖朝儔入直分差等得沐

愛日暄足避嚴風冷卽看

盛典張華筵開韶景

聖德與

乾符百僚當勸龜

習射

弧矢志四方射爲男子事右屈而左支審固抒精思

詰戎萬世欽

皇家重武備訓練功欲深命中誠不易穿楊語本誣  
責實知虛僞一心純且平天然身使臂

羊睛石

六飛出皇神九牧分大禹璆玕固非珍  
瑤錯充天府滇南異石來稽名未見  
古羊睛聚瞳矐珍重逾璊琥或疑樹  
精化或協鐘律譜初平未叱時聞雷  
乃奮土唾鬼入市中價增波斯賈觸  
藩西嶽亡維羣隨牧豎

柔毛碧血凝仙去留空圃磨礪澗底沙洗濯山中雨  
躡首照三星閃爍光華吐天成謝雕鏤漫勞五丁斧  
披揀出草萊無晴自能覩怪石隨地產豈獨在齊魯  
包貢列南琛奚用卞和剖寒芒掩映間目力搖絲縷  
堅比火齊珠細如翡翠羽用爲龍虎鬻可作翰墨輔  
金門分

賜來賤異欽

聖主歌詩萃諸賢挾策觀若堵骨卜識陰晴炙灼膏

堪溥暫用祈六花自有脩羊補

喜雪

甘膏冬默祈律轉黃鍾節緹室陽氣生

南郊大典設

聖敬格

穹天

迴鑾雲已結入夜釀細縕清晨試初雪機兆水泉滋  
培先芸草茁大地積銀鹽漫空飄玉屑鳳毛螭陛霏



龍甲松林掣鶴濡羽翮豐梅益芳苞  
纈天女素手纖萬點花生瞥郊原  
一望平粉毳鋪無缺鱗腴潤透深  
早閉遺蝗穴明春利耕耘貽牟萬  
民悅書戶對瓊囊好景欣清絕呼  
童掃置鐺甘美殊芳冽烹茶潤詩  
腸一枕心神潔高吟紀嘉祥意與  
騷人別灞橋獨尋芳縮手寒如鐵  
推敲務清新名競詩壇埒天家樂  
時和上瑞簡編列三白尚疊施大  
有農人說

恭和

御製安徽巡撫書麟奏呈鄉民挖蕨得米詩以誌事

元韻

聖主惠小民豐歉皆預計海宇生齒繁首重惟農事  
上江偶缺收賑恤蒙

恩賜銀米戶戶周窮黎已愜意山野挖蕨根官糧難  
備致土壤米滿阡秬秠發自地信

天天澤施鑒

誠

天恩濟驛奏兼米呈

御膳躬調試

心推胞與真遠邁下車淚不以禎祥稱

謙尊尚引愧地不愛其實民食誠上瑞

申命子孫餐永念茅簷味麤詩仰

聖懷萬載恢

皇志

詠六藝

禮

聖人制大經立身必習禮天地定綱常上下肅維紀  
藏密於一心周防慎聽視推而至萬端準繩盡同軌  
仲尼虛下問過周訪柱史從源達尾津浩浩無涯涘

樂

人心感音初同和成大樂三三積黃鍾隔八生徵角  
正聲貴平和姦聲辨煩數僻調亂且淫太音清而邈  
自衛正雅頌觀魯歎象箎聖賢探本原非徒曲藝學

射

弧矢志四方男子首重射

熙朝家法傳中外

德威化右屈而左支命中罕匹亞每歲上蘭秋星言  
夙輿駕欣從豹尾班磬控青驄跨弓燥兼手柔逸興  
發雕靶

御

車戰本古時王良稱善御其法久不傳於義無所著

寬衣博帶徒難於事怒遽鄭車賃濟濱晉馬止寧於  
何如乘騎便心手從駕馭詭遇詒譏評小人肆毀譽

書

作字蒼頡始觀文啟六書形聲肖物體取夬踵太初  
遂著羣冊籍史籀疑貫魚李斯變小篆一火疾未祛  
六藝論心正八法非齟齬義獻擅江左臨池敢忽諸  
數

五位妙相生循環大衍數周髀句股探京房亦依附

日月所經行三百六十度餘五迭推尋置閏恰相遇  
天地自然機流行本坦路心精術自明千歲可推步

恭和

御製下河嘆元韻

六度視河工精詳

聖心誌民命實攸關籌畫須善制閘壩及斗門以時  
資啟閉南省漕運通

天庾收每歲江鄉東南隅下濕沮洳地高寶接清黃

不時愁汎至泛濫值夏秋每以疎忽致防患本未形  
壽安在無事刷沙清水強先幾塵

帝意伏雨連數宵並漲豈未計漫口裹護均分洩下

河暨排注繼禹功白圭智莫及

叶

發帑加撫綏無令民財匱遠近皆獲安體恤須良吏  
仁心轉

天心神照無遮蔽勉哉司事臣母致素餐愧

恭和



御製治漕元韻

河水慶安瀾轉運收功效連檣下雲帆潞城指日到  
天庾萬斯箱足食國政要

聖明赫照臨愆尤孰敢蹈官方肅法廉胥吏懲侵盜  
薄海盡豐收方社秋成報閭閻樂盈寧旣富加以  
教

安肅榮

老圃足生涯飽浥霜華碎百種皆可餐秋菰性所愛

北產此最佳安肅甘膏漑厥田惟中中土脈蘇壤塊  
況近首善鄉荷擔來闐闐天街曉市開地腴出塵穢  
價輕知年和貧家亦堪耐菜根意自長奚必肉食配  
雖盤非苜蓿咬得醒心肺食品不厭精那羨五鯖資  
膏粱味雖濃厭飲亦一再齋蔬詎參禪壺鴨晒巧喙  
年光轉春臺薦鼎五辛速素餐致誚無迴念灌園輩

讀杜詩

三百思無邪言志貴得正魏晉始風華有唐詩大盛

摛藻固紛如浮華娛情性子美當亂離楊李隳朝政  
 拾遺抱國憂忠愛託吟詠蜀山愁並高峽水淚俱迸  
 黍離心溯周溱洧風卑鄭豈獨詩筆雄壯志同剛勁  
 今春過南池展拜心致敬偉哉不朽言千古稱詩聖  
 以詩代書寄候石君師傅

碩儒重清時藝苑尊哲匠樂道探天倪磊落襟懷暢  
平生古學敦漢魏詩所尚吹噓藉師恩栽培弱植壯  
別來懷抱縈惟持相和倡天高秋月清嘯歌寄俯仰

楓葉阻目遙葉脫添凝望云何慰我心寂寂經帷曠  
惠民報豐年開府

皇情注敬惟忠孝家盛代傳嘉譽轉輸荒歉無政刑  
鮮忽遽清風播四鄰頌溢滁陽路勤儉仰風情敏事  
無心遇光霽悵遠違徘徊頤和署高年願存神旣濟  
丹顏駐淵泉良背通和霽蓬瀛曙

憶隨函丈初爰自丙申歲開導孝弟根中心沐深惠  
詩書引性情愚拙愧難逮庚子五箴書玩繹什襲在

更示養身方却疾蒙雅愛邇來別情深三天鮮前輩  
遠郵難盡言古義猶磨淬但祈魚鴈來時時寄清誨  
出古北口卽事

萬里誇雄邊長城秦代置金人鑄五兵遂欲廢武事  
勞民罔知艱設險形勝地

熙朝中外聯戶牖存其意蒙古盡嘉賓

一德據心志戈甲永收寧烝然太平治關岷瞻

翠華安富業教思備守列雄兵訓迪最良吏每歲時

惠敷屢沐

蠲租賜況逢豐收年飽暖更無字隨

鑾暢迎眸問景緩控騎成吟歲歲同曠覽古今異

恭和

御製省刑疊去歲癸丑韻元韻

仁心及草木民命慎厥刑瘳暑歲恒有

撫時念獄成省釋召和氣甘澤消煩蒸化雨旣浹洽

光天復快晴開網鮮罹法春回百室盈

天心鑒

帝德

聖田卽人情感孚逮庶彙嘉穀雙穗呈無爲臻上理  
政不煩經營屢豐繼昨歲大有占元亨

山雨

黑雲出遙峯奇形倏更變深林萬木號雄若干夫戰  
四山急雨來砰轟殷雷殷雨勢似傾盆電光掣飛練  
百道挂珠簾萬瓦垂銀箭繁音滌襟清寒光搖目眩

大哉造化功渥澤蒼生徧願洗甲兵消三苗靖遠甸  
對育攄

聖懷山莊豐兆見詩成晚霞明出沐羣峯綯

習射

先民昔有言惟射以觀德審固務安詳志正斯體直  
我

朝東海興弧矢威萬國

聖皇仰



祖功子孫時

訓飭敬體習勞心曷敢耽宴息雁行扈山莊精練奉  
準則石屈而左支調和股肱力緬思矍相言返觀時  
自克

恭和

御製雨元韻

六月十八日

望雨憫夏暑紀時抒長篇一隅偶缺澤

帝心未愜然山雲久醞釀已覺旬日延天風起木末

好雨來平田繁聲漸浹洽爽氣欣清便祇覺原野潤  
無復炎歎煽地吏羣

奏報四境霑足焉清景繪仙苑平臨

黼座前湖波增翠黛倒影飛山泉萬樹益古秀生機  
暢無邊小民樂豐歲食足咸飽餐豈知蒙

帝力宵旰心時懸已饑切胞與稍旱增煩煎

天心慰

聖念優渥甘霖宣洗兵及楚地豐功繼十全農民樂

集賢堂詩集卷之三  
大有將士欣凱旋共慶

仁壽域湛恩沛無偏

大德洽海寓

天祐

聖敬虔

味餘書室偶成

昔年額味餘書窗親筆硯心清覽圖書游藝皆安便

忽承

恩命申非常蒙

寵眷敬

天懷小民施仁撫禹甸稟

訓日趨庭豈敢自專擅仍此赤子心事

親盡歡忭

人日

書室几席清良辰應人日光風暢始青已報階蓂七  
陽和透陳根黍谷同暖律霽居氣清明道心愼有密

主敬侍

天

親勵勤刻無逸所願錫年豐東作方平秩

仁壽覃邇遐庶民共逢吉

節後隨安室

潛邸額隨安素位存

夙志福地近百年何幸蒙

恩賜宵旰厘寸衷敬仰立言意我靜任物來憧憧思

其義安而不忘危保民凜天位隨遇樂安和黃屋姑  
且置慶節待

高年康強福祿萃

太上功德巍禱昧愧難嗣

含碧堂自警

衆緣被陳根含生遂長養華蕃沐和甘清幽輝萬象  
遲日照瑣窗融融喜明朗暖氣几席盈陽和滿方丈  
習靜束身心曷敢片時放我鏡燭虛靈物烟任勞攘

九六 盡舍宏居高慎瞻仰